



6. september 2024

UKA 2024/151

Matumuuna Inatsisartut maleruagassaani § 36 tunngavigalugu apeqquteqaat aallaavigalugu oqallisissiamik uuminnga siunnersuuteqarpunga:

**Apeqquteqaat aallaavigalugu oqallisissiamik siunnersuut, qanoq iliorsinnaanersugut hash-imik atuneq annikillisinniarlugu taamaaliornikkullu hash-imik atornerluineq pinaveersaartitsilluta**  
(Inatsisartunut ilaasortaq Nivi Olsen, Demokraatit)

Hash ulorianarpoq. Hash peqqissutsimut innarliisarpoq. Hash ilaqtariinnik aserortisarpoq. Taamaattuaannarsimavorlu. Hash maani nunatsinni aammalu nunani allani amerlanerpaani inerteqqutaavoq. Naak inerteqqutaagaluartoq amerlasuut, hash-imik atuisuullutillu atornerluisuupput. Hashi pissarsiariuminartuuvoq pinerluttullu aningaasarpassuarnik pissarsisarput tuniniarneratigut.

Aanngajaarniutunik hashitut ittunik atuneq atugarliortut, appasissumik ilinniagaqartuni suliffeqanngitsullu akornanni annertunersaavoq. Innuttaasunut misissuisimanerit 2005-2007<sup>1</sup>, 2014<sup>2</sup> aamma 2018<sup>3</sup> tamanna takutippaat. Nalunaarusiallu ajoraluartumik aamma takutippaat, hash-mik atuneq appangaarsimangitsoq.

Innuttaasunut misissuinerup 2005-2007-meersup takutippaa, innuttaasut 33 procentiisa marlussoriarlutik hashimik pujortarneq misilissimagaat, 23 procent amerlasuunik hashimik pujortarsimasut. Innuttaasunut misissuinermi 2014-imeersumi kisitsisit 36 procent aamma 20 procent-iusimapput, innuttaasunut misissuinermi 2018-imeersumi 37 aamma 21 procent-iusimasut.

Innuttaasunut misissuinerup 2014-imeersup aamma takutippaa, inuit atornerluillutik katsorsartissimasut procentimininngui kisimik, angerlarsimaffinni atornerluiffiusuni namminneerlutik peroriartorsimangitsut. Tassa imaappoq, meeqqat angerlarsimaffinni atornerluiffiusuni peroriartorsimasut, atornerluisunngornissaminnut navianartorsiornerungaartartut.

Tamannaluuna tunngavigalugu nalilersinnaagipput, maani nunatsinni suli unammilligassaqarnerput annertuumik hashimik atornerluinermut akiuiniarnitsinni. Hashimillu atuneq atornerluinerlu allatut oqaatigalugu ersarilluinnartumik inuiaqatigiinni ajornartorsiutaavoq. Apeqqutaaginnarpoq, nunatsinni qanoq ililluta hashimik atuneq atornerluinerlu annikillisassavarput?

---

<sup>1</sup> Atugassarititat, inooriaaseq peqqinnerlu 2005-2007-mut Kalaallit Nunaanni Innuttaasunik misissuisitsineq - Nunap Peqqissutsimut Ilisimatusarfia, København 2008

<sup>2</sup> Atugassarititat, inooriaaseq peqqinnerlu 2014-mut Kalaallit Nunaanni Innuttaasunik misissuisitsineq - Nunap Peqqissutsimut Ilisimatusarfia, København 2016

<sup>3</sup> Atugassarititat, inooriaaseq peqqinnerlu 2018-mut Kalaallit Nunaanni Innuttaasunik misissuisitsineq - Nunap Peqqissutsimut Ilisimatusarfia, København 2019



Uani qinersivimmi Upernaanerani katersuunnermi 2023<sup>4</sup> oqallisigaarput haship ammaanqarnissaa, tamannalu tunngavigalugu pitsaaqutaasinnaasut ajoqutaasinnaasullu pillugu nalunaarusiaq utaqqisaavoq. Soqutiginnassaaq qanimut misissuataarnissaa. Periarfissaasinnaanarluni?

Periarfissaasinnaanarluni, politiit unnerluussisussaataasullu tuniniaasartunut tunulequtaasullu ujjartornerinut annertusaanissaannut?

Hashimik anngiortumik eqqussuinnermut tuniniaanermullu kinguneqartitsisarneq qaffanneqassava?

Qanoq ililluta avammut killitta nakkutigineqarnera sukannernerulersissinnaavarput hashimik anngiortumik eqqussuineq pinngitsoortinniarlugu?

Meeqqat Atuarfianni ilinniartitsissutigineqarnerusariaqassava hashimik atuinerup kingunipilui?

Atornerluinnermut katsorsaavinnut amerlanernut aningaasaliisoqassava aammalu minnerunngitsumik malinnaaffiginerinut anguniarlugu, ikinnerusut atuisunngoqqittarnerisa ikilisinnissaat?

Neriuppunga, uuminnga oqaluuserinninnikkut maani nunatsinni hashimik atornerluinerup akiorniarnernut eqqarsaatnik nutaanik isumassarsianillu nutaanik pilertoqarumaartoq, qilanaaraaralu Naalakkersuisut aammalu Inatsisartuni partiit isummersuutaat tusassallugit.

---

<sup>4</sup> UPA 2023/70